



部

名醫彙粹

三省居曹



古今名醫彙粹卷之八目錄

婦人治例集要

女科一

經病通治

立齋四則
約之一則

東垣二則
治法綱一篇

立齋醫案十五則

良方藥禁十一條

女科二

赤白帶

子和一則
立齋一則

丹溪一則
醫案四則

水分血分腫

立齋一則
案三條

小便出血熱入血室

立齋一則
案六條



食癥血癥心腹痛證

婦人良方三則
案十三條

師尼寡婦室女寒熱案三條

歷節痛風

立齋一則
案四條

流注

立齋一則
案三條

癰癰

立齋一則
案五條

女科三

胎前諸證

立齋共四十二則

女科四

產後諸證

立齋共三十則



北京中医药大学图书馆版权所有

古今名醫彙粹卷之八

新安羅美東逸父選輯

古虞席世臣郢客氏詳校

女科經病通治

薛新甫曰經曰飲食入胃遊溢精氣上輸於脾脾氣散精上歸于肺通調水道下輸膀胱水精四布五經並行東垣先生謂脾爲生化之源心統諸經之血誠哉是言也竊謂心脾平和則經候如常苟七情內傷六淫外侵飲食失節起居不時脾胃虛損心火妄動則月經不調矣有先期而至者蓋血生於脾土故云



南京中醫藥大學圖書館版權所有

脾胃經
脾統血凡血當用苦甘之劑以助陽氣而生陰血也
蓋先期而至者有因脾經血燥宜加味道遙散有因
脾經抑滯者宜歸脾湯有因肝經怒火者宜加味小
柴胡湯有因血分有熱者宜加味四物湯有因勞役
火動者宜補中益氣湯過期而至者有因脾經血虛
者宜人參養榮湯有因肝經血少者宜六味地黃丸
有因氣虛血弱者宜八珍湯

又曰血者水穀之精氣也和調五臟灑陳六腑在婦
人上爲乳汁下爲血海故雖心主血肝藏血亦皆統
攝于脾胃補脾和胃血自生矣凡經行禁用苦寒辛

散之藥

經閉

東垣曰經閉不行有三婦女腸胃久虛形體羸弱氣血俱衰而致經水斷絕不行或病中消胃熱善食漸瘦津液不生夫經者血脉津液所化津液既竭爲熱所爍肌肉漸瘦時見燥渴血海枯竭名曰血枯經絕宜瀉胃之燥熱補益血氣經自行矣此病適行而有子子亦不成而爲胎病者有矣或心胞絡脈洪數躁作時見大便秘澀小便雖不利而經水閉絕不行此乃血海乾枯宜調血脉除包絡中火邪而經自行矣

或因勞心心火上行月事不來者胞脈閉也胞脈屬

於心而絡于胞中今氣上迫脉心氣不得下通故月

事不來宜安心補血瀉火經自行矣

薛立齋曰經閉

者何

水陰血也屬沖任二脈主上爲

乳汁下爲月水其爲患有因脾虛而不能生血者有

因脾抑傷而血耗損者有因胃火而血銷鑠者有因

脾胃損而血少者有因勞傷心而血少者有因怒傷

肝而血少者有因腎水不能生肝而血少者有因肺

氣虛不能行血而閉者治療之法若脾虛而不行者

調而補之脾抑而不行者解而補之胃火而不行者

清而補之脾胃損而不行者調而補之勞傷心血而
不行者靜而補之怒傷肝而不行者和而補之肺氣
虛而不行補脾胃腎虛而不行補脾肺經云損其肺
益其氣損其心補其榮衛損其脾補其飲食適其寒
溫損其肝緩其中損其腎益其精審而治之庶無誤
矣

王宇泰曰薛氏治血枯大法以補養真元爲主蓋本
易水師弟之旨而廣之

方約之曰婦人之經病有月候不調者有月候不通
者然不調不通之中有兼疼痛者有兼發熱者此分

而爲四也不調之中有趲前有退後者則趲前爲熱
退後爲虛也不通之中有血滯者有血枯者則血滯
者宜破血枯宜補也疼痛之中有常時作痛者有經
後經前作痛者則常時與經前作痛爲血積經後爲
血虛也發熱之中有常時發熱者有經行發熱者則
常時爲血虛有積經行爲血虛有熱也則又分而爲
八焉大抵經痛內因憂思忿怒外因飲冷形寒忿怒
所觸則抑結不行經前產後飲冷形寒則惡露不盡
此經候不調不通作痛發熱之所由也調氣破血開
抑補虛涼血清熱治之有道也歟然氣行血行氣止

血止故治血病以行氣爲先香附之類是也熱則流通寒則凝結故治血病以熱藥爲佐肉桂之類是也

經漏

李東垣曰經水漏不住有二婦人脾胃虛損致命門脈沉細而數疾或沈弦而洪大有力寸關脈亦然皆由脾胃有虧下陷于腎與相火相合濕熱下迫經漏不止其色紫黑如夏月腐肉之臭中有白帶者脈必弦細寒作於中有赤帶者其脈洪數病熱明矣必腰痛或臍下痛臨經欲行而先發寒熱往來兩脇急縮兼脾胃證出見或四肢困倦心煩門不得眠臥心下

急宜大補脾胃而升降氣血可一服而愈或貴而後
賤富而後貧病虛脫營者心氣不足其火大熾旺于
血脈之中又或脾胃飲食失節火乘其中形質肌肉
顏色似不病者此心病也下形于脈故脾胃飲食不
調其證顯矣而經水不時而下或適來適斷暴下不
止治當以大補氣血之劑補養脾胃微加鎮墜心火
之藥治其心補陰瀉陽經自止矣痿論云悲哀太甚
則胞絡絕胞絡絕則陽氣內動發則心下滿數澀血
也故經曰大經空虛發則肌痺傳爲脈痿此之謂
也治宜升陽益胃湯血脫益氣古人之法也先補胃

氣以助生長故曰陽生陰長諸甘藥爲之先務

薛立齋曰血崩經云陰虛陽搏謂之崩又云陽絡傷則血外溢陰絡傷則血內溢又云脾統血肝藏血爲患因脾胃虛損不能攝血歸源或因肝經有火血得熱而下行或因肝經有風血得風而妄行或因怒動肝火血熱而沸騰或因肝經抑結血傷而不歸經或因怒動肝火悲哀太過胞絡傷而下崩治療之法脾胃虛弱者六君子湯加芎歸柴胡脾胃虛陷者補中益氣加白芍山梔肝經血熱四物加柴梔蒼朮肝經風熱加味逍遙或小柴胡加山梔白芍丹皮若怒

動肝火亦用前藥脾經抑火歸脾加山梔柴胡丹皮
哀傷胞絡四君加升柴山梔故東垣丹溪諸先生云
凡下血證須用四君子以收功斯言厥有旨哉若夫
去血後母以脈診當急用獨參湯救之其發熱欬嗽
脈數乃是元氣虛弱假熱之脈也尤當用人參之類
此等證候無不由脾胃先損故脈洪大察其有胃氣
受補可救誤用寒涼之藥復傷脾胃生氣反不能攝
血歸元是速其危也

薛立齋醫案一婦人內熱作渴飲食少思腹內近左
初如雞卵漸大四寸許經水三月一至肢體消瘦齒

頗似瘡脈洪數而虛左關尤甚此肝脾抑結之證外
貼阿魏膏午前用補中益氣湯午後以加味歸脾湯
兩月許肝火少退脾胃尚少健仍與前湯送六味丸
午後又用逍遙散送歸脾丸又月餘日用蘆薈丸二
服空心以逍遙散下哺時以歸脾湯下喜其調理謹
錄餘而愈

一婦人發熱口乾月經不調兩腿無力服祛風滲濕
之劑腿痛體倦二膝浮腫經事不通余作脾肝腎三
經血虛火燥證名鶴膝風用六味丸八味丸兼服兩
月形體漸健飲食漸進膝腫漸消不半載而痊前證

若脾腎虛寒腿足軟痛或足膝枯細用八味丸若飲食過多腿足或臀後痠痛或浮腫作脹用補中益氣加茯苓半夏主之

一婦人性沈靜勤於女工善怒小腹內結一塊或作痛或痞滿月經不調恪服伐肝之劑內熱寒熱胸膈不利飲食不甘形體日瘦牙齒齲蝕爛此脾土不能生肺金肺金不能生腎水腎水不能生肝木當滋化源用補中益氣六味地黃至仲春而愈

松江太守何恭人性善怒腹聚一塊年餘形體骨立候熱往來騁蝕透腮或泥舂木旺剋土仍行伐肝時

季冬脈洪數按之弦緊餘脈微弱余曰洪數弦緊肝
經其氣發見而邪氣實也自保不及何能刺土況面
色青中隱白乃腎水不足肝木虧損肺金剋制惟慮
至春木不能發生耳勉用壯脾胃滋腎水二劑肝脈
悉退後大怒耳內出血肝脈仍大按之如無煩躁作
渴此無根之火以前藥加肉桂二劑肝脈仍斂熱渴
頓退復因大怒以致飲食不進果卒於季冬辛巳日
此木衰弱而金刑剋信矣

一婦人經候過期發熱倦怠或用四物黃連之類反
兩月一度且少血而成塊又用峻藥通之兩目如帛

所蔽余曰脾爲諸陰之首目爲血脈之宗此脾傷五臟皆爲失所不能歸於目矣遂用補中益氣濟生歸脾二湯專主脾胃年餘而愈

一婦人年四十素性急先因飲食難化月經不調服理氣化痰藥反肚腹膨脹大便泄瀉又加烏藥蓬朮肚腹腫脹小便不利加猪苓澤瀉痰喘氣急手足厥冷頭面肢體腫脹指按成窟脈沈細右寸爲甚余曰此脾胃肺之氣虛寒不能通調水道下輸膀胱滲泄之令不行生化之氣不運卽東垣所云水飲畱積若土之在雨中則爲泥矣得和風暖日水濕去而陽化